

天一閣藏明代方志選刊

九江府志

九江府志序

國有史郡有志志以述事事以藏往藏往以
知來是故文獻足徵焉勸戒不惑焉夫志史
之翼也君子參伍以通其變小人決守以脩
其業由俗以出政省方以立教不出書契而
知天下者稽之志而已矣九江地界荆揚當
楚之衝據金陵上游歷代爲重鎮郡故有志

廣陵何君棐以憲副飭兵于茲懼故志歲久
殘廢且多所疑謬釐而新焉質之載籍咨之
見聞芟繁理亂搜隱析微而疑者信謬者正
殘廢者修矣志成請予序之予觀其書秩而
有倫約而弗遺其事覈其文質而贍或發凡
以舉要或締圖以法象體國經野以爲民極
故首之以郡域封山濬川使同貫利故次之

以山川設官分職則地利可盡而民不失業
故次之以宦蹟政平治理則教化敦而賢才
興故次之以人物辨方正位以居民也故次
之以宮室蒐乘補卒以備不虞故次之以兵
衛兵是則民附民附而後可以時遊觀節勞
佚也故次之以古蹟存古者莫若衛其園陵
故次之以陵墓異教非經也創之自古昔今

不能廢故又次之以寺觀該古今之變綜事物之情者莫若文字故次之以詩文終焉凡風俗之因革制度之隆汙食貨之盈縮賦稅之繁簡下至溝塗津梁倉庫遺逸纖悉畢究往者存焉來者考焉故曰文獻足徵而勸戒不惑可以觀可以興矣何君之蒞九江也期而報政曰武備飭矣廩庾實矣膠庠作矣百

度貞矣獨志弗稱耳抑何以示久遠且吾守
者之責也君初爲御史覈軍功四川遷南京
大僕少卿改按察副使所至有聲蹟斯志也
蓋政成而後作焉君子又以知其爲政之知
所先後也志凡若干卷主之者何君始舉其
事者知府東君漢旣而任其事者知府馮君
曾其相成之者同知姜君輅也

嘉靖六年秋九月朔日

特進光祿大夫左柱國少師兼太子太師吏

部尚書

華蓋殿大學士知

制誥 經筵官

國史總裁石淙楊一清書

凡例

一斯志志府也故諸凡並府先之而以屬縣次焉惟
戶部主事兵備副使列於秩官之前戶部分司兵
備按察分司列於公署之前所以遵

王命重朝使也

一山川鎮壘勝槩曾經名人品題者存之

一戶口田賦自洪武以至嘉靖各一書之以見其登
耗增減之略若土產方物則紀其常貢而已

一城池脩廢及新作者皆備書之重民力也

一歷代秩官名籍及我朝俱以世序

一祠廟除文廟別載於學校其山川社稷厲壇忠節名宦鄉賢祀典所載者存之

一科目乃賓興盛典舊志所載者悉因之續者補之仍分著履歷以見其槩若辟舉歲貢及他途登用惟才行著聞名位顯達者則於人物類書之見立賢無方意也

一人物名宦必其人已沒乃錄事已定也孝子列女
嘗經旌異及見諸名人紀傳乃錄亦足徵也

一凡事跡人物之類有複出而彼此詳略不同者有
此存而彼略者類各有所重也

一寺觀有賜額錄之僊釋附焉

一文翰乃華國之資一方之文獻徵焉今惟取其有
關於制度政教者各分註於下其所収有不盡者
載於詩文志用備參考

一各縣志附見惟錄其大者要者而於瑣細略之體
勢然也


一凡所引用諸書多係簡節全文或因而足以已意
故於引處不必著所出之書

一凡郡縣志可因者悉仍其舊

九江一府五縣圖

誌之先圖記載之體也開卷間
一郡一縣之山川地理舉在目
中先之以府城圖次之以各縣
圖又統之以府縣總圖以見梳
綴之意用便考閱云

九江府



九江府志圖


郡城圖




德 化 縣




府總舖




德化縣學



德化



能仁寺



道源池

府館



按察司



清戎館



岳王祠



布政司



萬壽宮



境之圖

德安縣


布政司

城隍廟


儒學

九江道

觀音閣



德安縣



九江府志圖